

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第九四冊

責任編輯：孫言誠 賀 偉

ISBN 7-5333-0535-3



EB98/10

四庫全書存目叢書·史部九四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第九四冊目次

史部・傳記類

國朝列卿紀一百六十五卷(三)

〔明〕雷禮輯

山東省圖書館藏明萬曆徐鑒刻本

.....

國朝列卿紀一百六十五卷

(三)

〔明〕雷禮輯

山東省圖書館藏明萬曆徐鑒刻本

附《四庫全書總目·列卿紀一

百六十五卷》提要

國朝列卿紀卷之七十二

都察院左右都御史總論

夫都御史者即泰御史大夫之任也自漢列卿史大夫與宰相
太尉爲三公號爲重任至唐制大夫一人正三品非復漢大夫
之任然觀韋思謙爲御史大夫不屈王公且曰耳目官固當特
立原其意豈衆俗之偶崔隱甫爲大夫督責侍御史稍有忤
竟列其罪前後貶黜者過半是大夫禮峻百僚自古而已然矣
國初設御史大夫與丞相都督爲三府至洪武十七年定爲左右
都御史提督諸道糾劾官邪辯明冤枉始次九卿之列求其克
待風裁振肅紀綱者若顧太康考黜不肖而宿弊爲之清革王
忠肅杜禁私謁而苞苴爲之屏絕耿文清結主以廉力糾曹石
之橫馬端肅殉國以身廷抗雜劇之非戴恭簡檢身率下尤謹
考察迷職之典張簡肅奉公秉直獨嚴食酷奔競之禁是皆山
峙嶽立爲近世特出卽古名執法又何加焉其餘寬嚴異用未
免有苛刻圓通之弊然較之劉觀以貪敗陳智以暴克戴紹以
佞進李士實以逆誅則又不可一律科矣宋人有言必得鐵石
肝腸鷹鷂操行者然後可以任是責不然則軟熟依違纖纖
縮而胃中耿耿者不立何以待焉乎百僚又云御史府尊以三
子尊嗚呼紀綱之地顧可處非其據耶

國朝列卿紀卷之七十二

都察院左右都御史年表 凡並設協管者不註掌院事

劉觀 直隸雄縣人進士永樂十三年任左掌院事十

王彰 河南鄭州人鄉舉永樂十

何寶 河南進賢人進士永樂二十二年

顧佐 河南太康人進士宣德三年

熊榮 江西豐城人父喪從母嫁吉水胡氏因冒其姓永樂辛卯

陳智 湖廣咸寧人進士正統元年

王文 直隸東鹿人進士正統七年

國朝列卿紀 卷之七十二

陳鑑 直隸吳縣人進士正統九年任右十年掌院事十四

楊善 順天大興人永樂中生員正統十四年任

王文 少保謹身殿大學士卒贈太保諡毅愍

俞士悅 直隸長洲人進士正統十四年任

李實 四川合州人進士景泰元年

王朝 直隸鹽山人進士景泰三年任左本年出總兩

蕭維祺 江西廬陵人進士景泰三年任左四年掌院事加

羅通 江西吉水人進士景泰三年任

耿九 河南南寧人進士天順元年任右掌院事本

馬昂 直隸滄州人鄉舉天順元年任左掌院事二年遷

寇深 直隸唐縣人監生天順二年任左掌

李賓 順天順義人進士天順五年任

李乘 山東曹州人進士天順八年任左

林聰 福建寧德人進士成化三年任右掌院事

項忠 浙江嘉善人進士成化四年任右七年督利襄軍

李賓 詳前成化五年任左掌院事加太子少

董方 順天涿州人進士成化九年任

王越 直隸涿州人進士成化十年任左十三年加

戴縉 廣東南海人進士成化十七年任右

李裕 江西豐城人進士成化十九年任右

國朝列卿紀 卷之七十二

朱英 湖廣桂陽人進士成化二十年任右掌院事加

屠滿 浙江鄞縣人進士成化二十一年

劉敷 江西永新人進士成化二十二年

馬文升 河南鉅州人進士弘治元年任左掌院事二年遷

屠滿 詳前弘治二年任右

白昂 直隸武進人進士弘治四年任右掌院事六年

屠滿 詳前弘治六年任右七年左掌院事

屠滿 詳前弘治九年任左掌院事十三

屠滿 詳前弘治十一年任

屠滿 詳前弘治十三年任左掌

景	江西奉新弘治乙丑進士嘉靖二十五年左掌院事二十六年卒
王以旂	應天江寧人正德辛未進士嘉靖二十六年左掌院事本年遷兵部尚書改三邊總督加太子太保
屠僑	浙江鄞縣人正德辛未進士嘉靖二十六年左掌院事加至太子太保三十四年卒諡簡肅
周延	江西吉水人嘉靖癸未進士三十四年左加太子少保四十年卒於官贈太子太保諡簡肅
歐陽進	江西安福人正德丁丑進士嘉靖四十年任左
潘恩	直隸上海人嘉靖癸未進士四十年以刑部尚書改左都御史四十四年致仕
張永明	浙江烏程人嘉靖乙未進士歷刑部尚書四十四年改左都御史四十五年致仕
王廷	四川南充人嘉靖壬辰進士歷南京禮部尚書四十五年改左都御史隆慶四年致仕
趙貞吉	四川內江人嘉靖乙未進士隆慶四年以文淵閣大學士掌院事本年致仕
曹邦輔	山東定陶人隆慶四年以左都御史督五軍管陞南戶尚書
國朝列卿紀	卷之七十一
劉燾	直隸天津衛人嘉靖戊戌進士隆慶四年以左都御史督神樞營未任
陳其學	山東登州衛人隆慶四年以右都提督神機營陞南刑尚書
葛守禮	山東德平人嘉靖己丑進士隆慶四年任嘉靖己丑進士
陳瓚	直隸獻縣人嘉靖丁未進士隆慶四年任嘉靖丁未進士
陳珩	江西臨川人嘉靖辛丑進士隆慶六年任嘉靖辛丑進士
趙錦	浙江餘姚人嘉靖甲辰進士隆慶十一年任嘉靖甲辰進士
辛自修	河南商水人嘉靖丙辰進士隆慶十四年任嘉靖丙辰進士
吳時來	浙江嘉善人嘉靖癸丑進士隆慶十五年任嘉靖癸丑進士
李世達	山西沁縣人嘉靖丙辰進士萬曆十八年任嘉靖丙辰進士
孫不陽	山西平定人嘉靖丙辰進士萬曆二十二年由刑部尚書轉左

都察院左右都御史行實

劉觀字直隸保定府雄縣人洪武乙丑進士授大谷縣丞有治才以薦舉擢監察御史三十年陞署都察院左僉都御史革除二年調嘉興知府尋禮賢士修學政與利去害郡中肅然尋丁父憂永樂元年起復擢雲南按察使未行拜戶部右侍郎二年調都察院左副都御史時左都陳瑛尚刻右都吳中尚寬觀善處二人各無阻枝四年建北京宮殿諸役並與命採木浙江既至飭有司率吏民歷谿谷險絕之地凡材之美者悉取之輸北六年陞禮部尚書尋以典章故實非其所諳改刑部尚書七年車駕北狩命扈行八年涼州羌寇起督將出征羌寇遠遁九年回部十三年改都察院左都御史理院事十五年命提督漕河浚壅淤以便糧艘令行禁止而漕行不滯尋回院管事十九年定鼎北京命巡撫陝西地方考察官吏安輯軍民事竣還院值左都御史陳瑛以苛刻去位特掌院事二十二年仁廟即位命兼太子賓客本年加太子少保上自臨御以來大理少卿戈謙數言事上厭其繁瑣觀與尚書呂震吳中侍郎吳廷用等交奏其賣直沽名以是清議少之又本朝初不禁官妓惟挾娼飲宿者有律耳至宣德初許臣僚宴樂以香相尚歌妓漸前觀直不備善以智龍人私納賄賂紀綱為之不振御史亦食饒無忌三年六月中一日早朝罷上召大學士楊

士奇楊榮至文華門諭曰吾三人商量一事京師端本澄源之地 祖宗時朝臣無貪者年米食餉之風滿朝何也士奇對曰貪風永樂之末已作但至今甚耳 上問永樂何如對曰十五年以後 太宗有疾多不出扈從之臣放肆無顧藉請託賄賂公行此事已微九重俱未舉發 仁宗嘗謂臣言初到北京上問兩京臣僚有能守廉者否對曰無敢不守 上曰扈從來此者賊賂競行其能守廉惟吏部侍郎師達一人汝當知之榮曰是時賊貪方猖甚 上問今日之貪誰最甚者榮對曰莫甚劉觀士奇曰風憲所以警肅百僚憲長如此則不肖御史皆效之不肖御史差出四方則不肖有司皆效之 上撫掌歎曰除惡務本又問廷臣中今誰可使掌憲兩人久未對 上曰未必都無一人士奇對曰通政使顧佐廉公有威曾任御史及按察司皆有風采榮曰佐亦嘗為京尹能防禁下吏政清弊革 上喜曰顧佐乃能如此命賜茶而退數日有旨令觀巡閱河道觀既去數日陞顧佐右都御史賜 璽書令考黜不肖洗滌積弊佐奏謂其屬官不肖者二十餘人罪甚者發遼東於是御史張循理等連章劾奏觀貪賊狼籍并奏其子輻脇制諸道騁私滅公皆明著實跡 上大怒逮觀父子皆至出御史章示之既承伏法司坐觀重法以幅同犯免科具奏次年四月 上召榮及士奇以奏示之且曰觀貪 朝廷處重非過士奇對曰觀貪有

罪但經事 四朝數任顧仕願姑屈法全其生榮亦乞貸之上曰為汝二人曲貸其死發為邊吏曰辱之過甚與死等耳 上曰欲父子皆貸乎曰子發戍邊而令觀隨居恩與法兩盡矣遂命法司發遼東天下聳然改觀至七年楊士奇言田里小民之不安皆由於有司之貪汚暴虐請令風憲官考察奏罷 上曰然向使不罷劉觀風憲亦未得清爾此言是蓋深燭其奸云王彰字文明河南開封府鄭州人幼穎悟好學稍長有司選為州學生益自刻苦學日進洪武丁卯領河南鄉薦明年會試禮部弗利補太學生嘗使山東平糴以實軍儲同列納賄縱通貢者彰毅然責之弗聽比還其人果得罪彰遂以廉幹聞明年擢御史科給事中典封駁之任夙夜在公出納惟允歷左右給事中益慎益虔聲譽尤著遂進都給事中未幾改刑部福建司員外郎時有豪橫往往構訟根株連結至數歲不能斷決有司率為所誣害彰曰法貴平恕然亦宜寬縱以長惡哉於是正之以法而為所誣者皆得釋人咸悅服既而超拜山西布政使司左叅政居藩七年吏弗忍欺民懷其惠永樂五年召拜禮部右侍郎階嘉議大夫時四方萬國奉玉帛重譯以朝觀賓賓者肩背相望於京師賞賚燕享無虐日與尚書鄭公陽同德協恭奉職惟謹明年以父喪去官九年服除遷戶部當祀華嶽過陝州之新安問民習男女偕遁租既還奏之 詔悉蠲其租且官給楮

幣以贖其所鬻男女人皆德之十年壬辰改都察院右副都御史論事嚴毅持法公正人不敢干以私嘗以母夫人年高歸省侍而難於請適蒙恩命按河南許其過家且賜母夫人冠服仍給白金幣幣以歸為壽時人莫不欣羨歲庚子陞右都御史秩資善大夫十九年定鼎北京命撫河南待諸鄉舊一如平生至於公法雖親不貸時諸郡連歲水患民多流亡而有司復加重歛民益以困悉奏之於是詔停不急之徵十餘事凡官吏以貪暴罷免者九百餘人招流民復業者幾五萬家發官廩以賑之賴全活者甚眾先是強賊張大聚亡命嵯峨山行劫商賈為之不通女僧宋繼善與其徒數十人為妖言惑眾妖人李人美以國朝列卿紀

左道惑人悉捕斬之二十年命督餉北征事竣還院平生嫉惡甚然獄有所疑者必反復訊鞫然後決有鄭旺者罪當辟彰聞其辭疑命御史為辯之果得不死性至孝以父早世事母夫人尤謹在京師所得四方珍味必遣人馳獻然後敢食歲時薦先竟日悲哀不樂所得俸祿必分族人及濟貧乏嚴於家法訓飭子弟其有違禮度者必痛責之俟其悔悟乃已宣德三年卒於官彰為人簡靜待人以誠率下以正平居言若不出口至臨事論辯詞氣侃侃弗少置自為侍從之職薦躋顯要歷事朝廉介自將恪勤夙夜垂四十年亦無玷於官箴云

守溪長語云王彰河南人永樂中為右都御史奉命往諭

府令以三護衛為獻王從之馳驛以聞上喜彰乃出示日護衛三日不從者處斬不數日而散於是嚴以令下嘗為微行有司有貪酷者治以極刑人情震懾歸省其母其母為具坐中以本州知州為託彰曰公法不可私也頃有丐者至母以饌與之明日至府御史以飯獻彰即丐者也彰曰吾訪事亦當如此其母自是遂臥疾不復言亦不復食三日從者以告彰性至孝馳往跪問母終不言亦不食彰知之曰得非以知州之故乎當聞於上為母赦之其母始言飲食如初

向寶字克忠江西南昌府進賢縣人洪武乙丑進士授庫部員外郎累官應天府尹戊寅坐事謫蒼梧成祖正位復前職已丑逮獄庚寅謫兩淮判官未幾復訟繫南京乙未宥復前職永樂二十二年仁宗皇帝即位欲擢用之適文趾缺按察使部首以寶為奏上未許遂擢都察院左僉都御史胡入謝陞右都御史階資善大夫未幾復命詹事府詹事特賜楷幣羊酒寶鈔雖屢見挫抑而志於有為到官不數日即條陳八事以進其一曰錄用勳舊二曰設置諫官三曰選舉賢才四曰簡練將帥五曰貴重有司六曰考覈吏員七曰監生資格八曰疏通鈔法其言皆懇切有裨於時政者上命次弟行之宣宗景泰初即位之初以南京都察院缺人特命往焉餘詳南京都察院一額佐字河南開封府太康縣人洪武庚辰進士除莊浪知

縣在邑廉平士民頌德值午節會射將官以文士易之乃連祭
三中止進止有禮無不驚服永樂四年以村望入爲監察御史
守正嫉邪不激不隨人稱爲真御史十年遷江西按察副使蒞
事勤敏威望尊號令嚴奸黠聞風遁跡聲名大振十四年召爲
應天府尹剛毅不撓吏民畏服勳豪貴戚爲之歛手政聲赫赫
議者謂類包孝肅之知開封洪熙元年出爲貴州按察使未行
改通政使宣德初臣僚習尚宴樂以奢相競歌妓滿前紀綱爲
之不振宣德三年六月中早朝罷召大學士楊榮楊士奇問廷
臣中誰可使掌憲兩人久未對 上曰未必都無一人士奇對
曰通政使顧佐廉公有威曾任御史及按察司皆有風采榮曰
國朝列卿紀 卷之七十一
佐亦嘗爲京尹能防禁下吏政清弊革 上喜曰顧佐乃能如
此陞右都御史賜 璽書令考察不肖洗滌積弊佐奏黜其貪
淫御史并朝士不肖者二十餘人又禁用歌妓糾正百僚朝綱
大振天下想聞其丰采藩臬郡邑無不興起下至吏卒悚惻慙
然四年吏有遭笞者招佐之過謂受皇隸賂放歸悉具姓名以
聞 上密以示楊士奇且曰爾不舉佐廉平對曰所訴之事誠
有非誣蓋今朝臣月俸止給米一石薪炭馬芻咸資於皂不得
不遣半歸使備所用皂亦皆樂得歸耕實官皂兩便此京師大
小臣僚皆然臣亦然自永樂以來如此 仁宗皇帝固知之所
以增朝臣之俸 上歎曰朝臣之艱如此因怒訴者曰 朝廷

用一好人輒爲小人所排欲下法司治之士奇對曰此未事不
足上干 聖怒但付佐自治恩與法並行矣 上召佐以吏訴
狀授之諭之曰放皂隸耕使給薪芻京官皆然爲之不足爲過
小人不樂檢束誣陷正人汝自治之佐叩首退召吏示之狀吏
悉甚佐曰 上命我治汝我姑容汝但改行爲善竟不治之
上聞之喜曰佐得大體矣數月有囚告佐累枉人重罪不聽訴理
者 上大怒召楊榮士奇諭曰此有重囚救之排佐小人陷正
人不可不究治遂命三法司鞠之實千戶臧清殺一家無罪三
人當死代爲狀救之誣告 上曰不誅之佐何以行事立命磔
清於是佐正色立朝元助貴戚俱憚之陝西布政周景奸賊無
度佐切齒欲除之累置之法以 上累釋之不能申其激濁之
意後又阻之者數次正統初以風疾乞歸復優禮而去實用事
者忌而陰排之後疾愈不復起居家十餘年卒居其位者皆莫
及也議者稱爲臺臣第一云
水東日記云顧都御史佐性嚴重聲望偉然未嘗口毀譽人旦
晚東朝房小憩前呵雙藤立戶外官僚行道以此爲驗往往有
輓轡駐馬折而還者雖公遭時得君之盛要亦有懼伏彈壓之
實焉
又云午門東直房六部都察院堂上官候朝之所兩門入惟都
察院正官獨處一小夾室近歲都御史顧公佐非公事未嘗與

諸司羣坐立此其一耳蓋亦得宋制殿廡幕次惟中丞獨設
子坐殿門後稍西北向之遺意也

熊槃字元節江西南昌府豐城人永樂六年戊子舉於鄉九年
辛卯登進士拜監察御史聽決精敏若老於吏事者卽以能稱
時成祖駕幸北京仁宗以太子監國事槃侍朝立文華殿
門下於大衆中見其狀貌壯偉問侍臣誰何知者以槃姓名對
十六年遷憲大臣員缺成祖命吏部簡南京朝臣有材望者
補之槃擢廣西按察使仁宗宴於禮部予道里費至則慨然
以戕吏姦恤民隱爲已任屬谿峒蠻獠大山殺掠居民聲播諸
郡桂人大恐布政使議欲請於藩王出兵以遏之槃曰吾等受

國朝列卿紀

卷之七十一

十四

宣宗親

方面之寄寇至無計捍禦乃以煩藩王事問誰任其咎寇必不
至戒嚴而已既而果然議者服其識有居官而沒於其土者家
以道遠弗能還朝廷詔所在給舟車歸之有司迫促甚至聚
念男女生聚有年一旦遣行貨用凋落奏乞聽其便從之十八
年調廣東二十二年仁宗正位召至而官車宴駕宣宗親
政以常鎮蘇松浙東西諸郡豪右之民往往挾詐力持吏短長
脅制州縣肆毒善良無狀細民苦之特改大理寺卿命偕中
貴人往按之槃亦知上用已之意偏歷其地凡官吏之無狀
民之尤無良爲巨蠹者籍其家盡械以歸於京寘諸法聲振動
於一時海鹽民史慶真自號平康聚無賴之徒恣行剽掠有司

累歲莫能禁聞槃至盡室遠遁得之武昌抵以殊死於是奸宄
帖息單弱之民舉安其業父老動色稱快三尺童穉皆知其名
而相與傳頌之所至以餘力新學官勸勵諸生先賢若胡安定
公范文正公魏了翁三陸祠宇之傾圯者葺之范氏義田及墳
地爲人侵奪者歸之其子孫有賢行者禮之士類增重又奏應
天府上元江寧差役頻繁全國子監缺膳夫請如洪武中事例
以應天常鎮蘇松府縣罪囚應答杖徒流者充役爲便上曰
役有罪以蘇民力亦何不可命行在刑部議行之但用法過
刻奸民有不便者誣以受賂在勢者以私怨欲擠之騰口言於
朝上疑未之信遣御史廉問毫髮近似無所容乃直其所

國朝列卿紀

卷之七十一

十五

宣宗親

爲用是上益信之賜聖書獎勵槃亦自信不疑於利害當
興除者皆列以聞松江嘉興兩郡接壤處其間地大民衆征調
服役公私病之奏析其地爲五縣如其請四年入朝問勞有加
特陞都察院右都御史往治南京院事始槃之出也鬚髮如點
漆比還浩然盡白人皆歎其賢勞及斯命下又謂宜居是職槃
材長於從政務持大體疑獄滯詞能立得其情而志存平反每
具獄推見至隱惟恐吏售其奸民有不得其平故凡被其理者
人以無冤尤嚴束羣屬恒舉古人剛方有志節者警之辭氣俱
厲人人畏威奉法憲剛用振明年賜詔命進階資善大夫未
幾丁內艱八年北京右都御史顧公佐以病久在告召至領其

事在上前知無不言於繫囚枉抑者多所申雪故事車駕巡幸以文武重臣留守樂兩被是命九年兼署刑部事自朝慮囚日寡未暇食忽風眩尋卒於官壽五十槩為人身長六尺神色明秀望之屹然可畏久而知其坦然無城府與人交恩意備至居家孝親友兄弟庭內無間言在官不以仕優而廢學有聞輒手記經史論說古今聽者忘倦為詩文豪偉健麗似其為人尤善草書四方有求之者雖祁寒盛暑忻然應之所著有芝山公餘二稿藏於家

陳智字湖廣武昌府咸寧縣人永樂丙戌進士十六年戊子擢北平道監察御史性剛公直不可干以私歷巡京畿福建地

國朝列卿紀

卷之七十一

十六

陳智

方御下嚴刻而所守無議十六年秩滿陞陝西按察使益峭厲骭髒不下人宣德元年陞江西布政久之轉左正統元年吏部尚書郭璉薦陞都察院右都御史掌院事在臺中性褊急愈躁暴有相知者以寬緩為勸即置一木簡書戒暴怒三字於上署諸左右以自警及至有忤觸者輒舉木簡撻之一日與掌順天府事工部侍郎李庸在朝議事不合相忿詬持拳擊之怒性既消悔之莫及五年以災異被御史張最劾免尋卒於家陳鑑字有戒蘇州吳縣人性寬恕凝重端確不羣美惡而偉容人見之知為公輔器永樂壬辰弟進士擢四川道御史十八年陞湖廣按察司副使丁母憂服闋除山東副使未行即丁父憂

宣德八年服闋待次更授浙江差往魯家務運木十年乙卯

朝廷方以關中控制西北邊方為國重地陞鑑右副都御史偕都

督同知鄭銘鎮陝西英宗皇帝即位賜白金誥命正統二

年詔鑑兼提督寧夏延綏等處邊備勅命事竣還朝

廷以為關中不可無鑑也復命往陝西鎮守知故六年命會

都王朔代鑑還不踰年復命往且聽便宜行事九年陞右都

御史以延寧甘肅邊境虞壤將士已久習於宴閒而邊事日以

廢弛詔鑑與靖遠伯王驥等整理延寧甘肅總兵守備軍務

俟有條理還鎮陝西歲乙丑英宗念鑑久勞於外又命右

都王代還之鑑自為右副都御史至為右都御史十餘年間

國朝列卿紀

卷之七十一

十七

陳智

雖兩被命徵還隨以陝人奏保留鑑故不得久在朝用事即久率無一載之多至是詔鑑視印管院事篤意用鑑不遺矣歲己巳大駕親率六軍問罪胡虜時鑑與王悅及中使阮塞等為留守點視城池既英廟北狩邸王監國鑑同尚書于謙等彈奏奸臣王振傾危宗社歷數其罪千萬言讀既畢王諭以自有處置謙等言振罪惡滔天今日不正典刑滅其族臣等皆死於此不但已也因慟哭聲徹中外王起入內使將閹門眾擁謙等隨入太監金英傳令旨且退眾奮欲拚英英懼言稽沒振遣指揮馬順往眾曰奸臣黨也宜遣都御史陳鑑英脫身入順前勸解辭已稍遠給事中王竑拚順首眾爭殿之蹶

踏槍裂項刻而斃或就脫順鞭擊出眼血流門闔而與愈怒求
 內使毛玉等二人英使梓出亦擊殺之曳三屍陳於東安門軍
 士猶爭擊不已鎰等奉令旨籍振宅并其黨彭得清內使陳宜
 等家執振姪錦衣衛指揮王山至反接跪於廷共唾罵之今
 旨獎諭百官各歸泣事拜謝而出明日移王坐入奉天門左
 受朝振宅在官城內外凡數處重堂邃閣擬於宸居器服綺麗
 尚方不逮玉盤徑尺者十而珊瑚樹高六七尺金銀十餘匣馬
 數百匹嶺山於市其族屬無少長皆斬十月虜寇畿邑遠近得
 匿羣小不逞乘亂頗越弗靖詔鎰為左都御史差往通州河
 間至臨清一帶撫軍民及安插口外之來避寇者景泰改元
 之明年進階為資德大夫正治上卿陝西旱甚民饑多流移所
 司官軍餘丁計一萬四千三十八名上疏奏保復來賑濟陝人
 願得鎰如水火監司官以下驛間朝廷不欲重違陝人之欲
 而又鄭重遣鎰於是慰諭勉出居一年至為賑貸撫恤全活甚
 衆還朝有玉帶白金綺段羊酒之賜陞太子太保兼左都御
 史符院事進榮祿大夫鎰自為御史在官恪恭略於細故風裁
 儼然在陝西撫安鎮禦紀律之下惠澤加焉輪時提備選練將
 士修繕城池營築臺堡與凡水利屯種咸在處度日不暇給曲
 盡其道入咸便之雖當北虜點詐渝盟竊發鎰常先事為備不
 失機宜又於延綏等處相其險隘奏置靖虜衛添設河橋巡檢

司於神木府谷二縣各設守禦千戶及於定寧塞靖邊馬營
 西甘肅寧夏極邊等處立塞堡墩臺一千餘所至今賴之又秦
 延綏安德地方相接東抵山西德州北通東勝察罕腦兒西接
 寧夏板兒沙漠遇冬黃河結凍無阻以致達賊擾邊乞命武臣
 總戎文武叅贊雖當時未行至正統末年設之後王驥整理延
 寧甘肅軍務稱鎰在彼年久深知彼情尤為委重一應安邊滅
 賊之策悉聽便宜處置鎰亦悉心所事凡其設施悉稱上旨
 鎰意氣仁厚而語若不能出諸口立法嚴而加以寬大故人樂
 從之教化旁達而政務無不舉陝西數經亢旱鎰殫力竭誠拯
 救備至奏免宿逋數十百萬人賴不瘠及所全活甚衆咸呼為
 黑髯慈父為立生祠故至則驩迎慶忻去則攀挽歎思鎰之得
 於關陝者如此在都察院凡所設施務為經國深遠之計政尚
 體要當時一切苛急之習皆取而去之其所陳於上者要皆二
 帝三王之道粹然仁義之辭最後詔安撫畿甸有云卿為憲臣
 之首故特委以重務所謂鎮國家撫百姓是也朝廷方倚鎰
 永為毗輔屬鎰疾作堅乞致仕雖得請上尤念鎰不已賜養
 有加且命遣醫給驛以歸居三年而卒壽六十八贈太子謚倍
 敏
 府學勛呈云公鎮守陝西時德被生民者久有聲者百餘輩以
 不得視公之顏為恨一日羅拜車下咸以手曳其裾拂其髯公

笑而慰之乃去至今秦人稱爲盛事

又云公召還京師總握臺印陝西有旱魃爲虐歲餘不雨上

命公復鎮勅曰朕以爾爲腹心故此重託且有昔之韓范今之

朕卿之褒公卽日懷香上道大雨隨車傾注歲因以豐流亡來

歸民困得甦至今陝人奉治世更生福神位像廟食而家祝焉

又云陝西土厚掘井數仞未得及泉每出師軍士苦渴公相其

地之可穴而出水者令有司鑿之深不盈尺而舊井宛然有司

反命於公公令汲去舊泉而以新泉飲之庶可無病未受命者

飲之皆病陝人仰之如神明焉

又云工部尚書周文襄公正統間巡撫南畿時欲以郡治之西

國朝列卿紀

卷之五十三

三

周文襄

北空閑倉基以廣公宅公不受人問之曰予不聞唐中書令張

嘉貞拜相不立田園以自汙予何受文襄公重之

又云公致政家居時常出里門有陶人偶汚公衣公回易衣顏

色如故其人驚謝公曰誤也何以謝爲

又云公學博才贍於書無所不讀下至醫藥陰陽星曆之書亦

皆精通其義區畫政務之暇手不停披口不絕吟所集有玉機

微義刊於陝西有介恭藏於家

顧昌云宣德正統間大臣入秉鈞衡出撫方岳利益上下而名

實益隆者二人焉兵部尚書錢瑋于謙工部尚書盧陵周忱其

一則公也于性剛果當擾攘之秋力排羣議奮不顧身以遇巨

寇以安社稷者公殆弗克其巡蒞於外而頌聲洋溢則視於

爲優周性詳密會計錢穀纖髮具備隨時歛散移東賑西雖甚

凶荒而民無饑色上無缺賦者公殆弗及其視周事近要以自

固通豪右以資助則一於直道而心無所歉焉予之受戮固非

其罪周之被劾則有其由公始終無咎正寢以沒而保身之策

又獨爲優矣爰卽古人方之于靖難趙宋之宗澤也周之理

財李唐之劉晏也而公則我朝之師德矣

王文直隸保定府東鹿縣人永樂辛丑進士詳內閣

俞士悅字仕朝直隸蘇州府長洲縣人永樂乙未進士擢監察

御史歷官大理寺卿正統十四年己巳之變英宗北狩景

國朝列卿紀

卷之五十三

主

景

帝嗣位陞都察院右都御史協陳鑑理院事留守京師協都督

衛穎帥師六萬守德勝安定二門嘗去體事平陞刑部

尚書詳刑部

李實字四川重慶府合州人正統壬戌進士歷禮科都給

事中十四年英宗北狩郕王卽位累進謚言景泰元年六

月二十六日戊戌北虜遣使請和上御文華殿文武大臣懇

請差人往虜中議和奉迎太上皇帝未允卽命太監興安傳

旨要於大臣中務選如富弼文天祥者遣之禮部以三品以上官

具名封進上命興安召實問其鄉里傳旨曰廷舉進章

朝廷素知忠節上欲遣使虜中如何實曰其雖才識不同適

朝廷多事之秋安敢辭諒亦不辱君命與安忻然入內復命有旨陞實兵部右侍郎做正使羅綺陞大理寺右少卿做副使及二十八日進本討馬匹等物欽改禮部右侍郎七月初一日行十一日至也先所營失八禿兒之地也先曰兵端皆因通事陳友等小人締構以致小事成大及我送 太上還京令遣大臣來議又殺所遣使臣張闊保等我回北後遣使者盈不花等亦不生還其故何也實答曰太師雖名送 駕兵行不敢攻闕掠野朝廷豈信張闊保等死於陣者盈不花未至京皆因將士不以為來和而以為戰故也也先曰喜寧是 朝廷內臣我遣來何為亦見殺實等答曰喜寧蒙 太上厚恩却乃導引太師兵馬殺之宜矣也先曰 太上有此我令伯顏帖木兒早晚恭敬未嘗失禮因以酪酒飲食實等十二日遣人引實等至伯顏帖木兒營見 太上實等拜泣問起居 太上曰朕非以戰遊而出實為生靈除害然陷於此皆王振所致也及也先實意送朕回又被喜寧屢次阻住但唆令進兵今王振喜寧皆死矣因問 上聖太后與 上安好又問舊臣數人又曰在此踰年始見卿等曾將衣服靴帽等來否實等曰虜中屢有人回皆不知車駕何在 朝廷遣使亦無回報以此臣等行時諸物未帶時御川物惟金龍綬袍在實等因自出所有金器燒酒煔肉等為獻欲盡取所齎米來獻 太上曰小事勿勞卿也為朕通和乃大事爾

實等因極言王振曩昔擅國之罪 太上曰振未敗時無人肯言然朕亦不能燭奸悔復何及語將畢伯顏帖木兒至 太賜酒共飲伯顏帖木兒復邀實等至其帳與飲實等回至上帳求留宿館伴者不肯實等乃至也先營宿十三日也先置酒以飲實等也先曰爾等念 太上否實等曰君父蒙塵臣子豈不念乎也先曰爾等即念何不迎回實等道來迎之意也先意將從之伯顏帖木兒言禮物未備不可容易也先乃止凡實等所與也先及伯顏帖木兒語者其妻皆並坐聞其議傳酒相酌也先伯顏帖木兒貂裘帽其妻珠琲覆面垂眉益醉孟肉相塊長啜亦更互吹彈舞以為樂十四日也先遣其右丞相地禿同實進貂鼠皮馬匹遣其尚書土兒罕同羅綺往大同調回虜兵不復擾邊實辭 太上就出書三通以受實其一奉 上聖皇后其一達於 上其一以諭羣臣伯顏帖木兒約實等速來成和好且指也先幼子曰此與 朝廷議媾者實不敢對十九日實至懷來遇右都御史楊善侍郎趙榮同可汗普化所遣使皮兒馬黑麻北去蓋瓦剌國政皆也先專之其兵最多普化雖為可汗兵稍少知院阿剌兵又少君臣鼎建而立外親內忌其合兵南侵利多歸也先而弊則均受及欲和也先恥屈意而陰使普化阿剌來言實等即至京緣邊虜兵即退久之 英宗回塞實以功陞都察院右都御史尋出撫湖廣地方天順元年 庚

宗復辟首言實在虜無君臣禮遂罷其官詳湖廣巡撫

王翺字九臯直隸河間府鹽山縣人永樂乙未進士擢監察御史累官提督遼東軍務左都御史景泰三年召還院協王文理院事時廣西土官黃瑤殺嫡當死以易儲爲請下廷臣議左都王文力主如請矧口雖不言心知其不可惟嗟嘆息而已尋加太子太保本年值兩廣不靖命總督軍務歷吏部尚書爲時名臣詳吏部

蕭維禎名兆江西吉安府廬陵縣人宣德庚戌進士授刑部主事累官大理寺卿景泰三年陞都察院左都御史協陳鑑理院事與易儲加太子少保四年陳鑑致仕掌院事維禎久任法

國朝列卿紀

卷之七十一

二十四

王翺

官老於斷案而心術陰險善炫風跡大學士陳循屢欲薦引入閣不果景泰八年春正月上染疾十一日維禎率十三道同百官於左順門外太監興安自內出問答曰乃都御史五府六部堂上官聖體不安謹來問安太監興安以拈作十字謂病之篤不過十日耳鄙曰若皆朝廷大臣耳目不能爲社稷計日日徒問安耳衆退維禎集十三道議曰儲皇一立無他患矣請早立之維禎喜曰斯議得矣衆還道中作封事草其略曰聖躬不寧內外憂懼京民震恐蓋謂儲皇未立以致如此伏望皇上早建元良以正人心維禎錄於介稿次日早具稿於朝集文武羣臣石亨張輓張軫于謙王文胡濙楊善等

於左順門議允僉題維禎舉筆曰我更一字乃更建字爲擇字笑曰吾輩亦欲更也是日本進奏十有三日奉聖旨朕道

幾日偶患寒疾是以不曾視朝待正月十七日朝請擇元良一節難准報院達道皆勃勃有憂慮御史楊瑄與同官監察御史錢進美英同曰斯寬復請適禮部尚書胡濙令一辦事官赴道報曰請立東官事今本部約閣下及文武大小羣臣於十七日待上視朝合辭懇請令來報知僉名瑄與璉英忻忻約曰若

上再不可若等皆免冠叩頭辭職乞還田里滿朝若是上亦動心無乃不可乎會議於禮部學士商輅主筆草奏其大略曰天下者太祖太宗之天下傳之於宣宗陛下宣宗之子見

國朝列卿紀

卷之七十二

王翺

王翺

深宣宗之孫以祖父之天下傳之於孫此萬古不易之常法十五日登正本令僉姓氏至十六日晡時方完是日先進題知本本具門閉衆曰不先題知明日對仗進呈亦無害也是日徐有貞時常往返石亨家莫知其故未暮有貞自造亨家燭燭移時方出十七日四鼓時衆集於朝謹待上出頃之南城呼噪震地羣臣失色須臾鳴鐘鼓上皇御極矣於是朝野騰懼以爲復見太平本遂不進首下擒于謙王文等以其迎立外藩故也徐有貞等喉言官給事中王鎮等誅劾王于少保等迎立外藩不軌事至謂爭雖得同情實難容下多官會問于倪于不辯但言辯也死不辯也死朝廷救得我衆人亦不肯惟王